



«Սպորտային սերունդ 2022» ծրագիր

ՀՀ հանրակրթական դպրոցներին սպորտային մարզագույքի տրամադրման
մրցույթի կանոններ

«Սպորտային սերունդ» ծրագիրն իրականացվում է Կայուն Զարգացման Հայկական Հիմնադրամի կողմից (Երևան 0037, Ազատության 10/7, +37410201840, www.af4sd.org) «Երեխաների համար ՈՒԵՖԱ հիմնադրամ»-ի համաֆինանսավորմամբ:

Ուլքե՞ր կարող են մասնակցել

Մրցույթին կարող են մասնակցել Երևան քաղաքում և ՀՀ մարզերում գործող բոլոր հանրակրթական դպրոցները:

Այն դպրոցները, որոնք 2020 և 2021թթ.-ին մասնակցել են մրցույթին, սակայն չեն ընտրվել հանձնաժողովի կողմից, կարող են մասնակցել 2022թ.-ի թողարկմանը՝ ներկայացնելով նոր տեսանյութ:

Մրցույթին չեն կարող մասնակցել 2020 և 2021թթ.-ին նույնանուն մրցույթում հաղթող ճանաչված դպրոցները:

Մասնակցությունն անվճար է:

Մրցույթի հաղթողները

Մրցույթի արդյունքում կընտրվեն **25** դպրոցներ, որոնք կհամալրվեն սպորտային նոր մարզագույքով: Յուրաքանչյուր դպրոցի մարզագույքի համար նախատեսված է **մեկ միլիոն (1 000 000) ՀՀ դրամ**:

Ինչպե՞ս դիմել

Նկարահանել տեսանյութ MP4 ֆորմատով (ցանկալի է սիրողական) և ուղարկել concours@af4sd.org էլ. հասցեին մինչև 2022թ.-ի ապրիլի 21-ը:

Տեսանյութը պետք է ներկայացված լինի դպրոցի կողմից:

Սահմանված ժամկետից ուշ ներկայացված տեսանյութերը չեն ընդունվի:

Յուրաքանչյուր դպրոցի համար կարող է ներկայացվել միայն մեկ տեսանյութ:

Մրցույթի մասնակցության համար անհրաժեշտ է՝

Պատրաստել կարճ տեսահոլովակ (10 րոպեն չգերազանցող), որը կպատմի դպրոցի, դպրոցական կյանքի, աշակերտների սպորտային նվաճումների, համայնքում և շրջակա միջավայրի պահպանման գործում աշակերտների ներգրավվածության և իհարկե դպրոցում սպորտի կարևորության մասին:

Պարտադիր պայմանները՝

- Տեսահոլովակը ցանկալի է լինի սիրողական և նկարահանված աշակերտների կողմից,
- Տեսահոլովակում աղջիկների և տղաների հավասար մասնակցությունը պարտադիր է,
- Դպրոցի անձնակազմը ևս կարող է մասնակցել տվյալ տեսահոլովակում աշակերտներին աջակցելու համար,
- Անհրաժեշտ է ցույց տալ դպրոցի սպորտային պայմանները (դահլիճ, գույք...),
- Հարկավոր է նշել սպորտի ոլորտում աշակերտների նվաճումները, եթե առկա են,
- Անհրաժեշտ է ներկայացնել սպորտի դերը աշակերտների կյանքում,
- Հստակ ներկայացնել սպորտային գույքի կարիքը դպրոցում,

Ամբողջ տեսահոլովակի ընթացքում պետք է զգալի լինի աշակերտների շահագրգռվածությունը իրենց դպրոցի համար սպորտային նոր մարզագույքի ձեռքբերման հարցում:

Խրախուսվում են կրեատիվ աշխատանքները:

Առանձնակի ուշադրության կարժանանան այն տեսահոլովակները, որտեղ կմասնակցեն կրթական հատուկ կարիքներ, ինչպես նաև հաշմանդամություն ունեցող, փախստական (Սիրիա, Իրաք), ինչպես նաև Արցախից տեղահանված աշակերտները:

Ընտրության կարգը

Կայուն Չարգացման Հայկական Հիմնադրամի կողմից կընտրվեն այն տեսանյութերը, որոնք կհամապատասխանեն ներկայացված պայմաններին:

Պայմաններին համապատասխանող տեսանյութերը կներկայացվեն մրցութային հանձնաժողովի քննարկմանը:

Կայուն Չարգացման Հայկական Հիմնադրամի հոգաբարձուների խորհրդի ներկայացուցիչներից բաղկացած հանձնաժողովը կկազմի լավագույն տեսանյութերն ուղարկած դպրոցների համառոտ ցանկ, որից հետո Հիմնադրամի ներկայացուցիչները կիրականացնեն այցելություններ վերոնշյալ դպրոցներ՝ պայմաններին տեղում ծանոթանալու նպատակով:

Տեսանյութերի և այցելությունների հաշվետվությունների հիման վրա մրցութային հանձնաժողովը կհայտարարի հաղթող 25 դպրոցների անունները:

Ուշադրություն

Տեսանյութը պետք է ուղարկել դպրոցի կողմից էլեկտրոնային նամակով՝ որպես նամակի նպատակ նշելով «Սպորտային սերունդ»-ՄԸՑՈԻՑԹ 2022:

Նամակի մեջ անհրաժեշտ է նշել դպրոցի մասին հետևյալ տեղեկատվությունը՝

- Դպրոցի անվանումը և հասցեն,
- Տնօրենի անուն/ազգանունը,
- Մրցույթի պատասխանատուի կոնտակտային տվյալները,
- Աշակերտների թիվը (աղջիկներ/տղաներ),
- Կրթական հատուկ կարիքներով աշակերտների թիվը,
- Հաշմանդամություն ունեցող աշակերտների թիվը,
- Փախստական (Սիրիա, Իրաք) աշակերտների թիվը,
- Դպրոցի կամ սպորտային դահլիճի վերջին անգամ արված կամ նախատեսված վերանորոգման տարեթիվը,
- ԿԳՄՍ նախարարությունից կամ այլ կազմակերպություններից սպորտային գույք ստանալու տարեթիվը,
- Առկա սպորտային գույքի վերաբերյալ տեղեկությունը:

Մրցույթի շրջանակներում չեն իրականացվում վերանորոգման աշխատանքներ:

Կայուն Զարգացման Հայկական Հիմնադրամը «Սպորտային սերունդ» ծրագրի շրջանակներում համագործակցում է ՀՀ ԿԳՄՍ նախարարության հետ:

Կայուն Զարգացման Հայկական Հիմնադրամն իրավունք ունի արտակարգ իրավիճակի և/կամ համաճարակի պատճառով փոփոխության ենթարկել մրցույթի ընթացակարգը: Բոլոր փոփոխությունները նախապես կհրապարակվեն Հիմնադրամի ինտերնետ կայքում և սոցիալական ցանցերում:

Կայուն Զարգացման Հայկական Հիմնադրամ

ՀՀ, Երևան 0037, Ազատության պող. 10/7,

Հեռ.՝ 00 374 10 201840

Էլ. հասցե՝ info@af4sd.org

www.af4sd.org

www.facebook.com/AF4SD